

## 1 TIMOTE

### 1 TIMOTE – JEPTA 1

- [1Ti 1.1] Paul, ri jelōk an Kūraij Jijej, kōn kien Anij ar Ri Lomōor, im Kūraij Jijej ad kōjatdikdik;
- [2] Ñan Timote nejiō emool ilo tōmak: Jouj, tūriaṃokake, aenōṃṃan, jān Anij Jemed im Kūraij Jijej ad Irooj.
- [3] Āinwōt I ar akweḷap ñan kwe, bwe kwōn pād wōt i Epesōs ke I ar ilōk ñan Masedonia, bwe kwōn kauwe jet bwe ren jab katakin kōn katak āinjuon,
- [4] Im kōjparok er jān bwebwenato waan kab laajrak in epepen ko im ejjeḷok jeṃḷokier, ko rej kwaḷok kajitūkun ko im jab jipañ jermal in Anij eo ej ilo tōmak; āindein aō kōṃṃan kiiō.
- [5] A tokjān naan in kauwe, yokwe jān bōro erreō, im bōklōkōt emṃan, im tōmak emool.
- [6] A jet raar ilōk jān men kein im jeorḷok ñan kōnono pata;
- [7] Ke re kōṃaan bwe ren ri katakin kōn kien eo, re jaje ta eo re ba, ak ta eo re pen im kōnono kake.
- [8] A je jeḷā bwe emṃan kien eo eḷaññe ekkar an armej kōṃṃan kake,
- [9] Im je jeḷā bwe ar jab kōṃṃane kien ñan rū wānōk, a ñan ro rej kōtrāe kien im ro re kipiliia, ñan ro renana im ro ri jerōwiwi, ñan ro re jok der im ro re aplep, ñan ro rej ṃan jemeir im jineir, ñan ro rej uror,
- [10] Ñan ro ri ḷōñ, im ñan ṃaan ro rej make kananaik er ippān emṃaan, ñan ro rej kōot armej im ro ri riab, ñan ro e riab aer kanejnej, im ro rej kōṃṃan men ko jet jabdewōt re jakkar ñan katak ejimwe;
- [11] Kōn gospel e aiboojoj an Anij e ṃōṃōṃō, eo emōj likūt e ñan eō.
- [12] Ij kamṃoolol Kūraij Jijej ad Irooj, eo E ar kamaroñ eō, bwe E ar watōk eō etiljek im kadeḷoñ eō ilo jermal in An;
- [13] Meñe ṃokta I kein kajjirere im matōrtōre im lāj: a Anij e ar tūriaṃokake eō bwe I ar kōṃṃan āindein ke I ja jaje wōt im jañin tōmak ;
- [14] Im jouj an ad Irooj e ar kanooj lōñḷok, kab tōmak im yokwe eo ej ilo Kūraij Jijej.
- [15] Reṃool naan kein im emṃan eoroñ wōt, bwe Kūraij Jijej e ar itok ñan laḷ bwe En lomōoren ro ri jerōwiwi, im ña eo ḷaptata iaer.
- [16] A kōn men in, Anij e ar tūriaṃokake eō, bwe Kūraij Jijej en kwaḷok ilo ña ṃokta meanwōd otemjej, kōn joñak ñan ro re naaj lōke E tokālik ñan mour indeeo.
- [17] Kiiō ñan Kiñ eo Ej mour wōt jān indeeo ñan indeeo, e jab wabanban im je ban lo E, eo E make wōt Anij, nōbar im aiboojoj indeeo im indeeo. Amen.
- [18] Kien in Ij likūt ṃa ippaṃ, nejiō Timote, kōn kūr ko raar ba ṃokta kōn eok, bwe ilo er kwōn maroñ in tariṃae kōn tariṃae eo emṃan;
- [19] Im kōjparok tōmak im bōklōkōt emṃan, eo jet, kōn aer joḷok e, raar rup im mejaljaḷḷok jān tōmak.
- [20] Ruo iaer, Haimenios im Alexander; I ar ketak er ñan Setan, bwe ren katak im jāmin bar blaspim.

## 1 TIMOTE – JEPTA 2

- [1Ti 2.1] Innām ij kauwe mokta, bwe armej ren akweļap, im jar, im kajjitōk im kamṃoolol Anij, kōn armej otemjej;
- [2] Kōn kiñ ro im irooj otemjeļok; bwe jen mour im tōt wōt ilo aenōmman im kwōjarjar im kōmanman emman mwilier otemjej.
- [3] Bwe men iñ emman im men in yokwe imaan mejan Anij, eo Ej Ri Lomōoren kōj;
- [4] Eo e kōnaan lomōoren armej otemjej, im bwe ren item jeļā mool.
- [5] Bwe juon wōt Anij, im juon wōt Ri Kalaajrak ikōtaan Anij im armej raņ, Eo ej armej, Kūraij Jijej,
- [6] Eo e ar make leļok E bwe En pinmuur ñan armej otemjej, im naaj kōnnaan kake ilo iien ko an;
- [7] Kōn eo E ar likūt eō ri kaki im ri jeļok (ij ba emool im jab riab), kab ri katakin ri aelōñ ko ilo tōmak im mool.
- [8] Innām I kōnaan bwe maan ren jar ijo ko otemjej im kotak peir kwōjarjar im ejjeļok illu ak pere.
- [9] Barāinwōt, bwe kōrā ren kōnak nuknuk ko re karbōb, im ren kokōmōnmwin im jejairunoi, im jab kanoj karilip pirōkrōk in bōraer, im jab kanoj kalōtlōt er kōn kool im bōōr ko im nuknuk ko re kanoj aibooj;
- [10] A (eo ekkar ñan kōrā ro rej kwaļok aer tōmak) kōn aer jermal remman.
- [11] Kōrā en katak im tōt wōt im jilikiie.
- [12] A I jab likūt ñan juon kōrā bwe en ri kaki ak irooj ioon emmaan, a ren tōt wōt.
- [13] Bwe emōj kōmanman Adam mokta, im tokālik Iv;
- [14] Im ar jab moņe Adam, a ke emōj moņe Iv, e ar jerōwiwi:
- [15] A naaj lomōoren er ilo aer keotak ro nejir, eļañne rej pād wōt ilo tōmak im yokwe im kwōjarjar im jejairunoi.

## 1 TIMOTE – JEPTA 3

- [1Ti 3.1] Emool naan iñ, Eļañne armej ej pukot bwe en ri kaki eļap, ej kōnaan jermal emman.
- [2] Innām, ri kaki eļap enjeļok ṃotaan, en juon wōt pāleen, en jatōr, en kokōmōnmwin, en emman mwilin, en ļap an eken, en jeļā katakin;
- [3] En jab ijoļ wain, en jab jekanunok, en jouj wōt, en jab ri ire, en jab arōk taļa;
- [4] En emman an irooj i mwēo imōn, bwe ro nejin ren pokake e, im en mwilin armej;
- [5] (A eļañne armej e jaje kōn an irooj i mwēo imōn, ekōjkan an lale eklejia an Anij?)
- [6] En jab kãāl ilo jermal in Anij, ñe ab en utiej būruen im ebuñ im ainwōt kar liaakļok tepiļ eo.
- [7] Bar juon ro re jab tōmak ren jab nutnut e bajjek, bwe en jab buñ ilo kinaake im jen an Setan.
- [8] Āindein, ro tikōn, ren mwilin armej, en jab romione aer kōnono, ren jab ijoļ wain, ren jab arōk taļa;
- [9] Im ren kōjparok men eo ettino an tōmak ilo bōklōkōt erreō.
- [10] A emman mālejoñ er mokta; innām eļañne ejjeļok ṃotaer, ren jermal in tikōn.

- [11] Kōrā raŋ, āindein ren mwilin armej, ren jab ruruwe, ren jatōr, ren tiljek kōn men ko otemjeļok.
- [12] Tikōn ro, en eju wōt pāleir, im en emman aer irooj ioon ro nejir, kab ro rej jokwe ipaer.
- [13] Bwe ro raar jerbāl im tikōn emman, rej jibadek jikin jutak emman, im peran eļap ilo tōmak eo ej ilo Kūraij Jijej.
- [14] Ij jejewōj men kein im katmāne bwe in iwōj mōkaj ñan eok;
- [15] A eļañne I ja ruṃwij, bwe kwōn jeļā ekōjkan emman an armej pād im kōmman ilo imōn Anij, eo eklejia an Anij emour, jurōn im ļoņtak in ṃool.
- [16] Im, armej otemjej būrueir wōt juon, eļap men eo ettino ilo jerbāl in Anij; Eo ar kwaļok E ilo kanniōk, im Jetōb e ar kaṃool E, im enjeļ ro raar lo E, ar kwaļok kōn E ñan ri aelōñ ko, ar lōke E ilo laļ, emōj bōklōñļok E ilo aiboojoj.

#### 1 TIMOTE – JEPTA 4

- [1Ti 4.1] A E alikkar an Jetōb ba, bwe ilo iien ko ālik, jet re naaj buñ jān tōmak, im eņroñ jetōb ro rej ṃoņ er im katak ko an timoņ raŋ,
- [2] Kōn jeļā ṃoņ an armej rej riab im bōklōkōt ko aer repen im āinwōt ñe jej ittil kōn māāl ebwil;
- [3] Im re naaj bōbrae an armej pālele, im koṃwin kien bwe ren jab ṃōñā kanniōk ko, Anij e ar kōmanṃAn bwe ro rej tōmak im jeļā ṃool ren bōk im kaṃṃoolol Anij kaki.
- [4] Bwe emman men otemjej Anij e ar kōmanṃAn im ren jab abwin bōke jabdewōt iaer, eļañne rej bōk im kaṃṃoolol Anij kōn e:
- [5] Bwe naan in Anij im jar rej kokwōjarjar e.
- [6] Eļañne kwōj keememejļok ñan jemjein jemjaten kōn men kein, kwō naaj ri jerbāl emman an Jijej Kūraij, im naan in tōmak ko im katak ejiṃwe, kwaar pokake ñan iien in, re naaj naajdik im kaddekļok eok:
- [7] A kwōn abwin bwebwenato rewaan im jakkar an lōļļap roñ. Im kwōn make kammineneikļok eok ilo jerbāl in Anij:
- [8] Bwe eļañne kwōj kammineneikļok ānbwinniōṃ wōt, e naaj jar dik an kakajooror eok, a jerbāl in Anij ej kakajooror eok kōn men otemjej, im ewor an kallimur kōn mour in, kab mour eo e naaj itok.
- [9] Eṃool naan in, im emman eņroñ wōt.
- [10] Kōn men in kōmij jerbāl, im kate kōm, bwe kōmij kōjatdikdik kōm kōn Anij emour, Eo ej kōṃaan ļoṃṃoren armej otemjej, im E naaj ļoṃṃoren ro rej lōke E.
- [11] Men kein kwōn jiroñ im katakin er.
- [12] Ejjelok armej en kajekdoṃ eok kōn aṃ likao; a kwōn juon joñak ñan ro rej tōmak, ilo naan, ilo kōmanṃan, ilo yokwe, ilo tōmak, im ilo kwōjarjar.
- [13] ṃae iien I naaj iwōj, kwōn niknik ilo kōnono ilo bok, im kauwe, im katakin.
- [14] Kwōn jab jekeini men in aorōk eo ilowaṃ, im ar lewōj ñan kwe kōn rūkaanij kōn eok, im kōn likūt pein elder ro iom.

- [15] Kwõn owan ilo men kein, im make leļok eok ñan er, bwe aṃ wanṃaanļok en alikkar ñan ro otemjej.
- [16] Kwõn kōjparok eok, im men in katakin ko aṃ. Kwõn pād wõt ilo men kein; bwe ilo aṃ kōṃṃan āindein, kwō naaj make lōṃṃoren eok, kab ro rej roñjake eok.

## 1 TIMOTE – JEPTA 5

- [1Ti 5.1] En jab pen am kauwe juon elder, a kajimwe e āinwõt kar jemōṃ, im ro likao āinwõt kar ro jioṃ im jatiōṃ ṃaan:
- [2] Ro lōļap āinwõt kar jinōṃ; kōrā re jab kanooj rūtto āinwõt kar ro jioṃ im jatiōṃ kōrā ilo kwōjarjar otemjej .
- [3] Kwõn kañiājoik kōrā ro rej make iaer im re jako pāleir.
- [4] A eļañne jabdewõt kōrā ejako pāleen, im ewor nejin ak jibwin ak jimṃan, ren katak ṃokta kōn lale ro nukwiir, im ren eṃṃan ṃwilier kake, im ṣa oṣān ro jemeir im jineir; bwe men in ṃen in kabuñbūruen imaan mejan Anij.
- [5] Kōrā eo ejako pāleen im e make iaan, ej kōjatdikdik e kōn Anij, im ej pād wõt im jar im akweļap boñ im raan
- [6] A kōrā eo ej mour ekkar ñan ṃōṃ ko an, ej mej ilo an mour.
- [7] Men kein kwõn barāinwõt jiroñ bwe ren jab kōṃṃan ṣotaer.
- [8] A eļañne jabdewõt e jakkene ro nukwin, im eļapļok ro ri lowaan ṃweo imōn, e ar kariab an tōmak im ej nana jān ri jab tōmak.
- [9] Ren kāālōt kōrā ejako pāleen ded jōbne jiljinoñoul iiō, im kar juon wõt pāleen,
- [10] Im en buñbuñ kōn an jermal ko reṃṃan; eļañne eṃōj an kakaajjiririk ro nejin, im lale ro ruwamāejet, im kwe neen ro reṃṃan, im jipañ ro rej eñtaan, im niknik ilo jermal eṃṃan otemjej .
- [11] A kōrā ro re jañin lōļap im ejako pāleir, kwõn jab kāālōt: bwe ālikin an utiej būrueir im juṃae Kūraij, re kōṣaan pālele;
- [12] Im liaakļok ippaer bwe raar joļok aer naan in kallimur ṃokta.
- [13] Im barāinwõt rej katak im jowan im etetal bajjek, im ilok ñan mweō ṃōweo, im jab jatoktok wõt, a ñiremiṃ barāinwõt im ri jermal pata, im re ba naan ko re jakkar bajjek.
- [14] Innām I kōṣaan bwe kōrā raṃ, ejako pāleir im re jab kanooj rūtto, ren pālele im keotak nejin, im lale ṃoko imweir, im jab likūt bwe ri kōjdat en kajjirere kake er:
- [15] Bwe kiiō eṃōj an jet ilok im ļoor Setan.
- [16] Eļañne jabdewõt kōrā ej tōmak, im ewor kōrā ejako pāleir ippān, en lale im jipañ er, im jab kōṃṃan kapjeran ñan eklejia; bwe en maroñ in jipañ kōrā rejako pāleir im make iaer.
- [17] Ren koutiej wõt elder ro rej irooj jimwe, im ro rej barāinwõt jermal ilo naan im katakin, ren kanooj koutiej er.
- [18] Bwe Jeje ko re ba, Kwõn jab taur loñin kau komaan eo ej jujuuri korn, im, Ri jermal ej tōllokōn oṣān.
- [19] Kwõn jab eṃroñ naan in kinaakļok elder, eļañne e jab ruo ak jilu ri kōṃnaan kake.

- [20] Kwōn kauwe ro rej jerōwiwi, iṃaan mejan armej otemjej bwe ro jet ren barāinwōt mijak.
- [21] Ij kauwe eok iṃaan mejan Anij, im Kūraiḡ Jijej, im enjeḡ raṃ E ar kāālōt er, bwe kwōn kōjparok naan kein, im jab ekajete ṃokta, im jab kōṃṃan jabdewōt kōn kabwilōklōk māḡ .
- [22] Kwōn jab jarōbṃōkaj im likūt peiōṃ ioon jabdewōt armej, im jab bōk ṃōttan an bar jet armej jerōwiwi ko: kwōn kōjparok eok im erreo.
- [23] Kwōn jab pād im idaak dān wōt, a kwōn idaak jidik wain bwe en eṃṃan lojiōṃ, im bwe en jab makūjkūḡ aṃ nañinmej.
- [24] Jet armej jerōwiwi ko aer rej alikkar ṃokta, im ilōk iṃaerḡok ñan ekajet; a kōn bar jet rej ilōk ilōkairḡok.
- [25] Barāinwōt jermal ko reṃṃan, jet iaer rej alikkar; im ko re jab āinwōt re ban ṃojak.

### 1 TIMOTE – JEPTA 6

- [1Ti 6.1] Ro ri korijer, rej ri kaṃakoko, ren kairooj karo ro aer, bwe armej ren jab blasṃim etan Anij, im naan in katak eo.
- [2] Im ro rej korijer ñan ro ri tōmak, ren jab kajekdoṃn er, bwe rej jeir im jatir; a ren korijer ñan er eṃṃanḡok, bwe re tiljek im jitōnbōro ippaer, im aer jermal ej kakajooror er. Men kein kwōn katakin im kauwe.
- [3] Eḡañṃe jabdewōt armej ej katakin āinjuon, im jab bōk ñan naan ko reṃṃan, aet, naan ko an ad Irooj Jijej Kūraiḡ, kab katak eo ekkar ñan kōṃanṃan eṃṃan;
- [4] Ej juwa, e ri jajelōkjen, im e kanooj yokwe kajjitōk ko im akwāāl in naan ko, jān eo ej waḡok juunṃaad akwāāl, kajjirere, maten ko renana,
- [5] Im aitwerōk ko re ankeke an armej im aer rettoon, kab ejjelōk ṃool ippaer, im ilo aer ḡōṃṃak tōmak ej kein koorḡok taḡa.
- [6] A ṃwilin ekwōjarjar kab jokwane, eḡap aer ṃaonñan.
- [7] Bwe jaar jab bōktok jabdewōt ñan laḡ in, im barāinwōt je ban bōk ḡok jabdewōt jān e;
- [8] A eḡañṃe ewor ṃōñṃa im nuknuk ko ipped, jān jokwane kaki.
- [9] A ro re kanooj kōṃaan bwe ren ri ṃweie, re buñ ilo kapo im aujiid im elōñ ṃōṃ ko re bwebwe im nana, rej kamaḡoñ armej im kōkkure er ilo jikin jako.
- [10] Bwe arōk ṃani ej okran nana otemjej, eo ke jet raar arōk raar jebwābwe jān tōmak im make wie er kōn elōñ men in kabūromōḡ.
- [11] A kwe, O armej doon Anij, kwōn ko jān men kein, im ḡoor eṃṃan, kwōjarjar, tōmak, yokwe, kijenmej, im ineṃṃan.
- [12] Kwōn tariṃae tariṃae eṃṃan eo an tōmak, im dāpij mour indeeo, eo eṃōḡ kūr eok ñan e, im eṃṃan aṃ kar kwaḡok kake iṃaan mejan elōñ ri kōnnaan.
- [13] Ij kauwe eok iṃaan mejan Anij, eo Ej kemour men otemjej im Kūraiḡ Jijej eo E ar kwaḡok kwaḡok eṃṃan iṃaan mejan Pontioḡs Pailat;
- [14] Bwe kwōn kōjparok kien eo, im kwōjarjar im ejjelōk ṃotaṃ, ṃae iien an ad Irooj Jijej Kūraiḡ weaaktok:

- [15] Eo E naaj kwaļoke ilo iien ko an, aet, Ej Irooj eṃṃṃṃṃṃ im ejjeļok bar juon, E kiñ an kiñ ro, im Irooj an Irooj raṃ:
- [16] Eo wõt Ej make mour jãñ indeeo ñan indeeo, im Ej pãd ilo meram ejjeļok armej ej maroñ in kepaak ñan e, Eo ejjeļok armej e ar loe ak maroñ in loe: ñan E nõbar im kajoor indeeo. Amen.
- [17] Kwõn kauwe ro ri ṃweiie kõn men ko an laļ iṃ, bwe ren jab kõjatdikdik er kõn ṃweiuk ko ṃweiuk tṃṃ ṃok, a kõn Anij, eo Ej wũjleptok ñan kõj men ko otemjej bwe jen ṃṃṃṃṃ kaki;
- [18] Bwe ren kõmanman eṃman, bwe ren ṃweiie kõn jerbak ko reṃman, im ren ṃool kab pojak in leļok men in tũriaṃo:
- [19] Im ren make kaṃṃweiukiuk er kõn foundesõn eṃman ṃae iien ej itok, bwe ren bõk mour eo eṃool.
- [20] O Timote, kwõn kõjparok men eo lõke eok kõn e, im ilok jãñ bwebwenato waan, im men in juṃae an eo ṃaetan jeļãļokjeṃ, im riab:
- [21] Eo, kõn an jet kwaļok kake raar jebwãbwe jãñ tõmak eo. Jouj en pãd ippaṃ.

## 2 TIMOTE

### 2 TIMOTE – JEPTA 1

- [2Ti 1.1] Paul ri jelök an Kūraij Jijej kōn ankilaan Anij, ekkar ñan kallimur in mour eo ej pād ilo Kūraij Jijej,
- [2] Ñan Timote nejiō jitōnbōro ippa: Jouj, tūriamokake, aenōmman, jān Anij Jemed im Jijej Kūraij, ad Irooj.
- [3] Ij kamoolol Anij, eo ij korijeran jān ro jimmaō ilo bōklököt erre, bwe I jab jokwōd in keememej eok ilo jar ko aō, ke raan im boñ;
- [4] I kanooj kōnaan lo eok im ij keememej am dān in kōmjaaʼaʼ, bwe in kab obrak kōn lañlōñ;
- [5] Ke ij keememej tōmak emool ej pād ippam; eo e ar pād ilo jibwōm Lois mokta, kab ilo jinōm Eunis, im aō ʼōmṅak ej barāinwōt ilo kwe.
- [6] Kōn men in ij kakeememej eok bwe kwōn bar kenokwōle men in lewōj eo ej ilo kwe kōn aō likūt peiō ioṅ.
- [7] Bwe Anij e ar jab letok ñan kōj jetōb in lōjñōñ, a jetōb in kajoor im yokwe im kajimwe.
- [8] Innām kwōn jab jook kōn kōnnaan an ad Irooj, ak kōn eō ri prisōn eo An, a kwōn bōk mōttan eñtaan ko an gospel kōn kajoor an Anij;
- [9] Eo E ar lomōoren kōj, im kūr kōj kōn kūr ekwōjarjar, jab ekkar ñan jermal ko ad, a ekkar ñan An pepe im jouj, eo ar letok ñan kōj ilo Kūraij Jijej mokta jān iien ko ʼok mokta,
- [10] A emōj an kwaʼok e kiiō kōn waʼoktok eo an ar Ri Lomōor, Kūraij Jijej, eo E ar kajemʼok mej, im ar kaalikkar mour kab mour indeo kōn gospel,
- [11] Ñan eo ar likūt eō ri kwaʼok, im ri jelök, im ri katakin.
- [12] Kōn men in, ij barāinwōt eñtaan ilo men kein: a I jab jook bwe I jeʼa Eo I ar lōke E, im ereel būruō bwe E maroñ in kōjparok men eo I ar likūt e ñan E, mae raan eo.
- [13] Kwōn kanooj dāpij wāween naan ko remool kwaar roñjaki jān ña, ilo tōmak im yokwe eo ej ilo Kūraij Jijej.
- [14] Men eo emman, emōj likūt e ippam, kwōn kōjparok e kōn Jetōb Kwōjarjar eo Ej jokwe ilo kōj.
- [15] Kwō jeʼa men in, bwe aolepeir rej pād ilo Esia raar ilok jān ña; etan ruo iaer Paijelos im Hermojinis.
- [16] Irooj en tūriamokake Onesiporōs im ro nukwin: bwe elōñ alen an kaenōmman eō, im e ar jab jook kōn liāp eo aō:
- [17] A ke e ar pād i Rom e ar kanooj kapukōt eō im lo eō,
- [18] (Irooj en leʼok ñan e bwe en bōk tūriamokake jān Irooj ilo raan eo); im kōn jete men ko e ar jipañ eō i Epesōs, kwō kanooj jeʼa.

### 2 TIMOTE – JEPTA 2

- [2Ti 2.1] Innām, kwe nejiō, kwōn kajoorʼok ilo jouj eo ej ilo Kūraij Jijej.

- [2] Im men ko kwaar roñ jån ña imaan mejan elõñ ri kõnnaan, men kein kwõn likūti ña ippån armej retiljek, ro re naaj barāinwõt maroñ in katakin ro jet.
- [3] Kwõn eñtaan ippa, āinwõt ri tariṇae eṃṃan an Kūraiḡ Jijej.
- [4] Ejjeļok armej eo ej tariṇae ej make maḡjake kõn men ko an mour iṇ; bwe en kabuñbūruen eo e ar kãālõt e bwe en ri tariṇae.
- [5] Im eļaññe jabdewõt armej ej likarek, e jāmin pālpel eļaññe e jab likarek ekkar ñan kien.
- [6] Ri kallib eo ej jermal, eṃṃan bwe en akeo moḡta.
- [7] Kwõn kõlmānļokjeṇ kõn men kein; bwe Irooj e naaj kaļoļātāt eok ilo men ko otemjej.
- [8] Kwõn keememej Jijej Kūraiḡ, nejin Devid, Eo e ar jerkakpeje jån ro re mej, ekkar ñan gospel eo aō:
- [9] Im ilo e ij eñtaan, im rej liāpe eō āinwõt ri nana; a naan in Anij re jab liāpe.
- [10] Innām ij kijenmej ilo eñtaan otemjej kõn ro ar kãālõt er, bwe ren barāinwõt bōk loṃoṃor eo ilo Kūraiḡ Jijej im aiboojoj indeeo.
- [11] Eṃool naan iṇ, Bwe eļaññe jaar mej ippån, je naaj barāinwõt mour ippån:
- [12] Eļaññe je kijenmej ilo eñtaan, je naaj barāinwõt kiñ ippån: eļaññe je naaj kaarmejjete, E naaj barāinwõt kaarmejjete kōj:
- [13] Eļaññe je jab tōmak, Ej pād wõt im tiljek; bwe E ban make kaarmejjete.
- [14] Kwõn keememejļok er kõn men kein, im kauwe er imaan mejan Irooj, bwe ren jab akwāāl kõn naan waan ko, im ko rej kejebwābweik ro rej roñjaki.
- [15] Kwõn kate eok bwe Anij en lo kwō maan, ri jermal e jāmin jook im ejiṃwewõt an katakin kõn naan in mool.
- [16] A kwõn kōjparok eok jån kõnono waan ko: bwe re naaj etal ļok ñan nana eļapļok,
- [17] Im naan ko aer re naaj āinwõt bakke ko rej moññāñe: ruo iaer Huimenios im Pailitos;
- [18] Armej raar bōd kake mool im ba, bwe eṃōj an armej jerkakpeje, im rej ukōji tōmak an jet.
- [19] Ijoke e jutak wõt foundesōn e pen an Anij, im sil iṇ ioon, Anij e jeļā ro doon: im, Ro otemjeļok rej bōk etan Irooj ren ilok jån jeṃwiwi.
- [20] Ilo juon im eļap e jab jāpe kooļ im silver wõt, a ewor jāpe jån wōjke im jån bwidej, jet ñan nōbar im jet ñan jekdoṃn.
- [21] Innām eļaññe armej ej make karreo e jån men kein, e naaj jāpe ñan nōbar, ekwōjarjar im ekkar ñan an Irooj kōṃṃan kake, im pojak ñan jermal reṃṃan otemjej.
- [22] A kwõn ko jån moṃ ko an likao, im kwõn ļoor kwōjarjar, tōmak, yokwe, aenōṃṃan, ippån ro rej jar ñan Irooj jån bōro erreō.
- [23] A kwõn abwin kajjitōk ko waan im men in jajleļokjeṇ ko, bwe kwō jeļā rej keotak akwāāl ko.
- [24] Im ri korijeran Irooj, en jab akwāāl, a en jouj ñan armej otemjej im pojak in katakin armej, en meanwōd,

- [25] Ilo ineemman en kajimwe ro rej jumae; ejaññe bölen Anij e naaj lelok ñan er uke lok bwe ren jeļā mool,
- [26] Im bwe ren make kōtlok er jān aujiid an tepil, ne emōj keji pokweik er ñan ankilaan.

## 2 TIMOTE – JEPTA 3

- [2Ti 3.1] A kwōn jeļā men in, bwe ilo raan ko āliktata, iien ko renana re naaj waļoktok.
- [2] Bwe armej ro e naaj anij lo būrueir, im re naaj ri arōk mweiuk, im ri juwaļōñļōñ, im ri kajjirere, im ro rej kipiliia ñan jemeir im jineir, im ro re jab kam moolol, im ri nana,
- [3] Im ro re jab yokwe ro nukwiir, im ro re lāj, im ro rej kōnnaan naan in riab, ro re jab kōmmaanwa, rawia, ro rej dike emman,
- [4] Ro ri ketak, ro re mmaļkaro, ro ri kōmmejāje, im ro rej yokwe men in kabuñbūrueir eļap jān aer yokwe Anij,
- [5] Ro rej kōmanman wāween mwilier, a ilo būrueir rej kaarmejjete emman: jān rein kwōn ilok.
- [6] Bwe jet iaer rej deļoñ ilo moko im kaje bokweik kōrā ro re jaje lokjeņ, emōj joon er kōn jerowiwi ko, im mōm ko aer rej tōl lok er,
- [7] Rej katak iien otemjej im re jab maroñ in tōpar jeļā mool jab dewōt iien.
- [8] Im āinwōt Jannis im Jambris raar jumae Moses, āindein barāinwōt rein rej jumae mool, im būrueir re kōt, dien jako jān tōmak eo.
- [9] A re jāmin etal maanlok, bwe aer jaje lokjeņ e naaj alikkar ñan armej otemjej, im āinwōt jaje lokjeņ eo airro.
- [10] A kwe, kwaar ļoor lok aō katakin, kōmanman, ļōmņak, tōmak, meanwōd, yokwe, kijenmej,
- [11] Matōrtōr ko, im eñtaan ko; men ko raar itok ñan eō i Antiok, i Aikoniōm, i Listra; matōrtōr rot I ar niknik kaki: im jān er otemjej Irooj e ar kōtlok eō.
- [12] Aet, im ro otemjej re kōnaan mour im kwōjarjar ilo Kūraij Jijej, naaj matōrtōre er.
- [13] A armej renana im ro ri jeļā moņ re naaj ļaplok ilo aer nana, re naaj moņe im naaj moņe er.
- [14] A kwōn pād wōt ilo men ko kwaar katak im reel būruōm kaki, bwe kwō jeļā wōn eo kwaar katak ippān;
- [15] Im jān ke kwōj ajri, kwaar jeļā jeje ko rok wōjarjar, ko re maroñ in kamālōtlot eok ñan ļomōr kōn tōmak eo ej ilo Kūraij Jijej.
- [16] Jeje ko otemjej emōj letok kōn kakōr mool an Anij, ej barāinwōt wor tokjeir kōn katakin, im kauwe, im kajimwe, im kōjjeļāik armej ilo kwōjarjar;
- [17] Bwe armej korijeran Anij en weppān im emōj kōkōmmanmōn e ñan jermal emman otemjej.

## 2 TIMOTE – JEPTA 4

- [2Ti 4.1] Ij kauwe eok imaan mejan Anij, im Kūraij Jijej, eo E naaj ekajet ro remour im ro re mej, im kōn An weaaktok im An aelōñ;

- [2] Kwōn kwaļok naan, kwōn kate eok ilo iien emman im enana; kajimwe, im enouk, im kauwe kōn meanwōd otemjej im katakin.
- [3] Bwe iien e naaj itok ne re naaj dike katak emman, a kōn mōm ko aer re naaj koorļok ro ri kaki ñan er make, eremōm ļojilñier;
- [4] Im re naaj oktakļok ļojilñier jān mool, im naaj ilok ñan bwebwenato re waan.
- [5] A kwōn jatōr ilo men ko otemjej, kwōn kijenmej ilo eñtaan ko, kwōn kōmman jermal an ri evanjel, kwōn kajejjet jermal eo am.
- [6] Bwe ña I nañin men in katok, im e moottok iien aō ilok.
- [7] I ar tariṅae tariṅae emman, I ar kaṁōjļok aō elulu, I ar dāpij tōmak eo;
- [8] Jān iien in pālliō in kwōjarjar ej kattar eō, eo Irooj, Ri ekajet e wānōk E naaj letok ñan eō ilo raan eo: im jab ñan eō wōt, a ñan ro otemjej raar yokwe An weaaktok.
- [9] Kwōn kaiur eok im jarōbtok:
- [10] Bwe Dimas e ar ilok jān eō kōn an yokwe laļ in, im e ar ilok ñan Tessalonika; Kressens ñan Galetia, Taitōs ñan Dalmetia.
- [11] Luk wōt ej pād ippa. Kwōn āñintok Mark ippam, bwe ej kakajooror eō kōn an jipañ.
- [12] A Tikikōs I ar jilkinļok ñan Epesōs.
- [13] Kopā eo I ar likūt ṅa i Troas ippān Karpos, ne kwōj itok, kwōn kab bōktok ippamtok, im bok ko, im barāinwōt jeje ko.
- [14] Alexander ri jerbale jiniboor e ar kōmman elōñ men ko renana ñan eō: Irooj e naaj ṅaonñan ekkar ñan jermal ko an:
- [15] Im kwe, kwōn kōjparok eok jān e; bwe eļap an jumae naan ko ad.
- [16] Ilo aō uwaak mokta ejjeļok armej e ar jutak ippa, a ro otemjej raar ilok jān eō; men in en jab likūt bwe en rueir.
- [17] A Irooj e ar jutak ippa im kakajoor eō; bwe kōn ña kwaļok in en kanooj alikkar im ri aelōñ ko otemjej ren roñjake: im emōj kōtļok eō jān ļoñin ļaiōñ eo.
- [18] Im Irooj e naaj kōtļok eō jān jermal ko renana otemjej im naaj ļomooriō ñan an aelōñ i lañ. Ñan Eo en aiboojoj indeeo im indeeo. Amen.
- [19] Kwōn yokyokwe Priska im Akula, kab Onesiporōs im ro nukwin.
- [20] Erastōs e ar pād wōt i Korint: a Tropimōs e nañinmej im I ar likūt e i Mailitōs.
- [21] Kwōn kaiur eok im itok mokta jān iien e piō. Eubulōs ej yokyokwe eok, im Pudens, im Lainōs, im Klaudia, im jemjein jemjaten otemjej.
- [22] Irooj en ippān am. Jouj en pād ippam.